

一箇奇男子萬象落心胸學書學劍兩般都沒箇成功要去披
緇學佛首下一拳輕快打破太虛空末後生華髮再拜玉清翁
二十年空錯過只飄蓬這回歸去武夷山下第三峰住我舊
時庵子挽水把柴升米活火煮教濃笑指歸時路弱水海之東

又石知院生辰

兩髯青絲髮雙眼黑方瞳人皆道是昭慶一箇老仙翁暫別蓬
萊弱水自把星冠月帔玉佩舞薰風醉入桃源路歸去不知蹤
一舉雲璈鳴鐵笛撫絲桐滿前劍并森列稽首捧金鍾挺挺松
形鶴貌任待桑田變海寶鼎粒丹紅玉帝下明詔獨騎上天宮

滿江紅 詠白蓮

道藏輯要

白真人集

三

事

叟集三

昨夜嫦娥遊洞府醉歸天闕綠底事玉簪墮地水神不說持向
水晶宮裏去曉來捧出將饒舌被薰風吹作滿天香誰分別
芳而潤清且潔白如玉寒於雪想玉皇後苑應無此物只得賦
詩空賞惜教人不敢輕攀折笑李龕梅瘦不如他真奇絕

阮郎歸 舟行卽事

淡烟凝翠鎖寒蕪斜陽掛碧梧沙頭三兩雁相呼瀟瀟風捲蘆
何處笛一聲孤岸邊人釣魚快帆一夜泊桐廬問人沽酒無

山坡羊

默坐寒灰清靜會向時中一定金城賊返報馬流星透用將須
分左右軍出師交征定主賓排的是天文地理九宮八卦天魂